

南康府志卷之一

地理一 星野 疆域 沿革 形勝

周禮大司徒以天下土地之圖周知九州地域廣輪之數辨其山林川澤之名物所以正厥封疆而專其職守也自秦變封建爲郡縣名號益繁分合殊制南康界連吳楚之交地據湖山之勝幅員廣袤厥稱望郡代有沿革參稽官詳蓋以經界旣正人民繫焉政事紀焉固守土者所首重也作地理志

分野

以星土辨九州之地所封封域皆有分星以觀妖祥

周禮

南康府志

卷一

地理 星野

保章氏

鄭康成註曰九州州中諸國之封域於星亦有分焉又曰十二次之分星紀吳越也

吳楚之疆候在熒惑占于烏衡

史記天官書

張守節正義云熒惑鳥衡皆南方之星故吳越之占候也

斗江湖牽牛婺女揚州

同上

吳地斗分野今之會稽九江丹陽豫章廬江廣陵六安臨

淮盡吳分也

漢書地理志

自南斗十二度至須女七度爲星紀於辰在丑吳越分野

屬揚州

晉書天文志

斗牽牛星紀也初南斗九度中二十四度終女四度自廬

江至于東海又逾南河得漢豫章西濱彭蠡南涉越門爲星紀之分也

新唐書天文志

江南道蓋古揚州南境爲星紀分其名山衡廬其大川彭蠡

新唐書地理志

江南東西路蓋禹貢揚州之域當牽牛須女之分

宋史地理志

自斗六度至須女二度謂之星紀大雪冬至居之吳越分

野

蔡邕月令章句

熒惑主揚州又曰玉衡者斗九星也第六星主揚州常以五巳日候之乙巳爲豫章癸巳爲九江

星經

南康府志

卷一

地理 星野

二

南康揚之西陸吳頭楚尾禹貢荆揚二州之域星紀斗分清類天文分野之書

南康天文斗分野

明一統志

斗六星二十五度爲吳之分野南康斗四度

二十八宿分

野圖說

廬山於天文爲星紀之次其辰在丑斗牛分野

廬山志

彭蠡入翼十五度

于大吉天文祕訣

通志論云彭蠡入翼豈據張勃吳錄以彭蠡爲洞庭耶姑錄之

九江入斗一度豫章入斗十度南康四縣星子都昌原隸江州建昌安義原隸豫章其地界乎豫章九江之間則宿

在斗分此分野之正也

舊志星野論

按孔穎達春秋正義云星紀在於東北吳越實在東南分郡國以配諸次其源不可得而聞之或有災祥而爲占者多得其效蓋古之聖哲有以度之非後人所能測也諸家星度各有不同謂南康入斗分則無不同至彭蠡在南康之南適居饒撫洪筠之中諸郡皆入斗分彭蠡自非入翼翼爲楚之分野考新唐書天文志翼鶉尾也自白帝而東盡漢之南郡濱彭蠡之西得沅湘云云是彭蠡之西始爲翼分也茲備錄之善求其故必有神於推測者矣

南康府志

卷一

地理 星野

三

疆域

南康府在省北偏東轄縣四星于縣附郭東爲都昌縣西南爲建昌縣又西南爲安義縣廣二百零五里袤一百零五里

由府城東渡湖六十里至都昌縣又九十五里至章田渡共一百五十五里饒州府鄱陽縣交界爲府城東至鄰郡之止界

由府城南水路六十里左爲吉山松門右爲吳城南昌府新建縣交界爲府城南至鄰郡之止界

由府城西五十里至關王廟九江府德安縣交界爲府城

西至鄰郡之止界

由府城北四十五里至吳障嶺九江府德化縣交界爲府城北至鄰郡之止界

東南臨湖由水路六十里至都昌縣又六十里至周溪共一百二十里饒州府都陽縣交界爲府城東南至鄰郡之止界

東北渡湖三十里至屏風九江府湖口縣交界爲府城東北至鄰郡之止界

西南一百三十里至建昌縣又七十里至安義縣又三十里至界牌共二百三十里南昌府奉新縣交界爲府城西

南康府志

卷一

地理 疆域

四

南至鄰郡之止界

西北四十里至觀口九江府德化縣交界爲府城西北至鄰郡之止界

星子縣廣五十里表四十五里

東路出東門臨湖無陸路由水路六十里至都昌縣

南路出南門臨湖無陸路由水路六十里至吳城南昌府新建縣交界又一百八十里至新建縣

西路出西門五里至九洪橋又五里至錦屏鋪又迤南五里至觀音巖又五里至清風鋪又五里至柴桑橋又五里至隘口又五里至通書源又五里至但家坳又五里至青

石橋又經德化縣之楚城鄉過五里至關王廟共五十里
九江府德安縣交界又二十里至德安縣

北路出北門五里至五里牌又五里至桃花鋪又五里至
土樓又五里至團山鋪又五里至汪家澗又五里至馬家
坂又五里至高壠又五里至積餘橋又五里至吳障嶺共
四十五里九江府德化縣交界又四十五里至德化縣

東南臨湖無陸路

東北路出東門迤北三里至神靈湖又二里至謝師塘又
五里至麻頭又五里至火焰山過渡十五里至青山共三
十里九江府德化縣交界

此路沿湖水漲卽不能行

又自五里牌迤

南康府志

卷一

地理 疆域

五

東五里至鄧家港又五里至鋼審嶺又五里至尖山繞山
行五里上青山又五里至下青山又五里至蝦蟆石共三
十五里德化縣交界

西南路出西門四十里至但家坳又五里至青石橋又七
里至大屋潘又五里至觀音橋又五里至蘇家壩共六十
二里 又自五十二里之大屋潘迤南五里至樟樹嶺又
五里至大塘湖又五里至王婆灣共六十七里兩路均與
德安東南隅交界 又自西路二十里之清風鋪迤南五
里至江家坂又五里至吳節埧又五里至花橋又五里至
坂橋又五里至黃金壠又五里至朱家橋又五里至瀦溪

共五十五里與建昌東隅交界

此亦湖路
水漲難行

西北路出西門三十里至隘口又五里至觀音堂又五里至灰嶺共四十里又自三十里之隘口迤北五里至楊家坳又五里至觀口共四十里兩路均與德化西南隅交界又自北路十里之桃花鋪迤西五里至白鹿洞

都昌縣廣一百一十一里袤七十五里

未計
水路

東路出東門十里至桑家橋又五里至大樹下又七里至大埠岡又八里至大杉橋又五里至茅鋪又七里至三汊港又十二里至西湖渡過渡八里至王婆壠又八里至雷家橋又十里至來家橋又十五里至章田渡共九十五里

南康府志

卷一

地理 疆域

六

饒州府鄱陽縣交界又一百三十五里至鄱陽縣

南路出南門臨湖

西路出西門一里至蝦蟆石又五里至三堡又五里至稍公塘又三里至大磯山又二里至小磯山臨湖共十六里北路出北門八里至破塘壩又八里至傅家嘴過渡六里至戴家嘴又五里至傅家橋又八里至龔家湖又五里至桃樹嘴又十里至彭埠橋又五里至坦石嶺又五里至擔邱又五里至石黃徐家又十里至劉家市共七十五里九江府湖口縣交界又四十里至湖口縣

東南路出東門十五里至大樹下又五里至小埠岡又三

里至曹溪梁又十里至黃金嘴共三十三里臨湖 又自
四十二里之三汊港迤南十八里至周溪共六十里臨湖
又自五十四里之西湖渡過渡迤南五里至查家坂又
十八里至古坵嘴汎共七十七里臨湖

東北路出東門五十四里至西湖渡過渡迤北十里至張
山坵又十里至王家祠又八里至馬磯山又八里至白虎
山共九十里 又出東門二里至夏家巷又五里至桐樹
下又四里至赤石嶺又五里至七角塘又八里至詰橋又
五里至雁塘又六里至新橋又十里至石牛嶺又五里至
犀牛嶺又十里至黃土嘴又五里至土塘又十五里至馬

南康府志

卷一

地理 疆域

七

湖橋又四里至蜈蚣山又八里至九山又八里至井田共
一百里 又自三十五里之新橋迤北四里至分水嶺又
三十里至界牌鋪又十六里至鹽田又三十一里至黃金
山共一百十六里兩路均通鄱陽 又自八十五里之鹽
田迤北十五里至高塘共一百里通彭澤 又自北路八
里之破塘塍迤西五里至新廟又七里至楊家坂過渡八
里至汪家墩又十里至臘梨橋又三十里至張家嶺又十
五里至西洋橋共八十三里交湖口彭澤兩界北去湖口
東九十里至彭澤縣

西南路臨湖

西北路出西門八里至太平山又五里至鐵牛塘又十一里至錢公橋過渡十里至馬家堰又十里至蔣公嶺又三里至神靈湖共四十七里交星子界過湖十里又三里至府城 又自三十四里之馬家堰迤西三里至范壠又三里至小石嘴又五里至老爺廟共四十五里

水路自南門外南山塘徑行二十里至松門山交新建界東行經三山四山至棠蔭強山交鄱陽界西行爲左蠡交星子界折而北爲屏風交湖口界

建昌縣廣一百二十八里袤八十五里

東路出東門五里至郭東又五里至小河過渡又五里至

南康府志

卷一

地理 疆域

八

河頭又過渡十里至單磯又十里至界止港又八里至蘆潭共四十三里南昌府新建縣交界又一百八十里至新

建縣

是爲東陸大路蘆潭汛過渡卽吳城

南路出南門過張家渡三里至陳家橋又迤西七里至大栗嶺又十里至貫邊市又十里至游龍寺又十里至灘溪街又十里至烏溪鋪共五十里安義縣交界又三十里至

安義縣

是爲南行驛路

西路出西門迤北五里至尖山又十里至當陽津過渡五里至藕塘又過渡十里至雙洲又十里至白槎市迤西十里至本港又十里至猴子岩又十里至沙田港又十里至

楊橋又五里至界上共八十五里南昌府武甯縣交界又
七十里至武甯縣是爲西陸大路

北路出北門五里至五里墩又五里至十里鋪又十里至
石井鋪又十里至驛南汛又五里至界牌嶺共三十五里
九江府德安縣交界又二十五里至德安縣是爲北行驛路

東南路出東門五里至楊柳津過渡五里至長嶺鋪又十
里至山下渡過渡十里至塔水鋪又三里至寒婆嶺又七
里至豐安汛共四十里南昌府新建縣交界又八十里至
新建縣是爲至省驛路又自南門迤東一里至李家渡過渡一

里至炭埠街又八里至夏村過渡又十里至楊師埠又過

南康府志

卷一

地理 疆域

九

渡又二十五里至鄢里共四十五里 又自十里之長嶺
鋪迤東五里至涂家埠過河二十里至金塘橋共三十五
里 又自十五里之涂家埠過河迤東二十里至老鴉嘴
共三十五里 又自涂家埠過河迤北四十里至老虎口
共五十五里各路均與新建交界

西南路出南門過張家渡十里至大栗嶺迤西十里至大
溪橋四十七里至橫嶺共六十七里南昌府靖安縣交界
又五十三里至靖安縣

東北路出北門自十里之十里鋪迤東五里至栗山燕又
二十五里至鄭士橋共四十里與德安縣交界 又出東

門十五里至河頭過渡又十五里至沙湖廟共三十里
又自東路七里之蛟騰迤北二十八里至黃土港共三十
五里均與星子交界

西北路出西門四十里至白桂市迤北七里至土坪又三
十八里至磨刀嶺共八十五里與武甯縣交界

至武甯縣
亦七十里

是爲西
北小路

又自西路五里之尖山迤北五里至張家嶺又

三十三里至分水嶺共四十三里 又自西路十五里之
石下董迤西北三十里至臨塘寺共四十五里 又自西
路八里之馬家灣迤北五里至嚴磯過河五十二里至何
家橋共六十五里三路均與德安交界

南康府志

卷一

地理 疆域

十

水路西城外向西上游一百十里至河許爲武甯縣界向
南上游七十里至閔埠爲安義縣界向東順流一百里至
蘆潭汛爲新建縣界

安義縣廣五十里袤五十里

東路出東門十里至徐家埠又五里至義興口過渡十里
至體源又二里至長嶺又十五里至架溪過合水橋又三
里至分水廟共四十五里南昌府新建縣交界又五十里
至新建縣

爲入省
大路

南路出南門過龍津埠浮橋五里至曹門又五里至中茅
店迤東七里至田埠三里渡河至石鼻共二十里東與新

建縣交界又八十里至新建縣入省小路西與奉新縣交界又三十里至奉新縣

西路出西門五里至齊頭山由山下過橋即南昌府靖安縣界又三十五里至靖安縣

北路出北門五里至王家橋又池東五里至歐公橋又十里至彭坊壠又十里至烏溪鋪共三十里建昌縣交界又五十里至建昌縣驛路

東南出南門過浮橋池東五里至柘山又十里過渡至港口埠又五里至上羅田共二十里又自浮橋再東五里至真君坊又十里過渡至長埠又十二里至何家邊共二

南康府志

卷一

地理 疆域

十一

十七里兩路均與新建交界俱入省小路

西南路出南門過浮橋自十里之中茅店池西五里至石子埭又五里至胥箕鋪又五里至象口又五里至界牌共三十里南昌府奉新縣交界又十里至奉新縣驛路又過

浮橋池西五里至清坪又五里至上茅店又十里至橫大路共二十里又過浮橋再西五里至高坪又五里至莊上兩路均與奉新交界

東北路出東門五里至鳳皇菴池北十里至貢士橋又五里至萬家埠又十里至西源又十里至楊觀察共四十里與新建交界又出東門池北五里至地藏菴又十五里

至閔埠過河十里至陳姓村過渡爲六溪埠共三十里與建昌交界

西北路自北路五里之王家橋池西五里至白田又十里至龍安橋又十里至太子殿共三十里 又自北路十五里之牌樓殿池西五里至塘邊又十里至聖水塘共三十里西與靖安交界北與建昌交界

水路西南自靖安界入境經龍津埠向東北流直至六溪埠入建昌界由吳城入江一南自奉新由石鼻河入境向北流至義興口匯靖安之水同至六溪埠俱係山河

按府縣舊志疆域各有四止八到其初原係考據的實南康府志 卷一 地理 疆域 十二 中間重修時錯誤未檢者容或有之歷久相沿里數遂多不符現奉省頒全省輿圖皆經履勘得實附說詳明極便考核茲皆按此校正庶無紕繆

沿革

虞隸揚州

夏隸揚州西據敷淺原東匯澤爲彭蠡

鄒道元水經註云敷淺原在豫章歷

陵縣卽今九江府德安縣博陽山彭蠡在豫章彭澤縣卽今鄱陽湖

商隸揚州

周隸揚州春秋屬吳越楚

周元王四年吳王夫差爲越勾踐所滅王命勾踐爲伯顯王三

十五年楚威王熊商敗越殺王無疆明年盡取故吳地七國時屬楚

秦隸九江郡

始皇罷侯置守分天下為三十六郡而南康地屬九江郡

漢隸豫章

高帝初析九江郡為淮南國六年析淮南置豫章郡彭澤艾海昏鄒陽俱隸之

晉屬豫章潯陽二郡

惠帝元康元年置潯陽郡於江州領鄒陽而海昏仍屬豫章

南朝宋齊梁因之陳置豫甯郡

領建昌艾永修新吳共五縣

隸江州隋

置洪州併艾入建昌置當陽府

唐屬江洪二州南唐楊吳以廬山南為星子鎮

地屬德化

宋太平興國三年陞星子鎮為縣仍屬江州七年置南康

軍領星子縣仍割江州之都昌洪州之建昌隸焉

元至元十四年陞南康路隸江淮行省二十二年割屬江

西行中書省

南康府志

卷一

地理沿革

十三

明初為西甯府尋復南康府隸江西布政司正德十二年分建昌五鄉立安義縣

國朝因之

星子本漢彭澤縣地屬豫章郡後為德化縣之星子鎮宋太平興國三年置縣屬江州七年建南康軍星子附郭元明仍舊

國朝因之

都昌本漢彭澤縣地唐武德五年分置都昌縣隸浩州

是年

以彭澤縣為浩州分置都昌安成二縣八年州罷

尋廢浩州復屬江州大厯間徙

治彭蠡湖東

即今治

屬饒州宋置南康軍乃改屬焉元明仍

舊

國朝因之

建昌本漢豫章郡海昏地昌邑王賀之所封也後漢永元中分海昏置建昌縣又分海昏建昌置新吳永修二縣劉宋永嘉二年廢海昏移建昌治於此隋改豫章爲洪州併艾永修新吳豫章四縣入建昌置當陽府唐武德五年改南昌州領建昌龍安永修三縣八年廢南昌州以南昌州新吳永修龍安入建昌縣大厯中改爲緊縣宋太平興國七年置南康軍始割屬焉元陞爲建昌州明洪武二年仍改爲縣正德十二年析安義等五鄉置安義縣

南康府志

卷一

地理 沿革

十四

國朝因之

安義本建昌縣地明正德十二年巡撫孫燧以安義等五鄉依山據洞嘯聚不時題割五鄉立縣因安義鄉爲名仍隸南康府

國朝因之

形勝

廬山南國之德鎮

梁元帝碑

瞰七澤真如掌瞻九河直如帶

梁沈璇簡寂觀碑

南瞻五嶺北睇九州

唐歐陽詢西林寺碑

匡廬奇秀甲天下

唐白居易草堂記

匡廬天下之名山江表之勝概南唐馮延巳開先寺記

蜿蜒蟬聯指列條敷亘五百里實淦城星渚之奧區洪州

諸郡下流之屏障匡廬山志

靈谷煙雲廬山風月翰苑新書

負匡廬面彭蠡南國咽喉西江鎖鑰南康形勝志

星石浮南鞋山鎖北山澤雄奇帶礪險固南康府志

彭蠡之險在吾戶外宋呂祖謙紫陽隄記

東峙左蠡西環揚瀾控五嶺而壓三吳匯岷江而瀾彭澤
棲賢寺記

山嶽配天廬阜標其秀江湖紀地彭蠡擅其雄盤址崔嵬

南康府志

卷一

地理 形勝

十五

層淵祕邃

宋晏殊重修真如禪院記

廬阜諸山聳然特起駢首而立者八九又高且大者五焉

有冠劍魏裝之貌無草木滋媚之容

宋趙師夏六老堂記

踞匡廬而綰彭蠡足稱奧區

明張位重修白鹿洞記

左蠡揚瀾翼若游龍而藍車山橫亘其間如榜斯揭

明高

肅南康府學記

負匡廬之勝面彭蠡之險引湖口之舟航屏南昌之肩背

勢雄吳楚澤接江湖

讀史方輿

龍塘山在府北三十里峯巒峭拔環抱湖灣

同上

府北四十里屏風山丹崖紫壁環繞磅礴若屏障然

同上

都昌據彭蠡上流地勢平衍水多於山又云山圍四顧宛

若城郭

都昌舊志

都昌依山枕湖全省要會之地

明萬浩新建都昌城記

環山帶水形甲東南

明王堯臣修都昌縣廳事記

鳳凰燒香諸山四面巘屹儼若城郭邑治居中左右五巘
突出湖濱春夏水漲似奮蛟龍西南兩山對峙如門闕巘
巘山作案遠橫湖中爲外羅屏障雖巨浪滔天而民居無
驚故山明川媚見重於范起鳳山水清輝題詠於謝靈運
也

都昌縣志

廬山北障鄱湖西環據彭澤星渚之上流握廣饒撫建之

南康府志

卷一

地理 形勝

十六

門戶

同上

兩水腋之其狀如帶西山雲居環之其狀如翼

宋王容建

昌學記

修江衝前名山峙右

虞集建昌學記

鄱湖上游控修江諸阜洪所恃北門也

張鑒建昌縣城記

匡廬擁其後修江衝其前東流彭蠡右峙歐山

建昌志

前襟修江後擁廬阜左臨嘔口右抱雲居水碧山明實洪

都北門之鎖鑰亦京廣四達之交衢

同上

四面諸山環拱若抱淵澮清厯如畫

明余祐安義縣治記

自匡廬雲居迤衍而成邑

明楊三省安義大庾寺記

寶峯西山映帶左右龍江澄碧淙淙几案間

明劉同升遷

安義學記

割鄉爲縣因洞爲名東距海昏西連永修

田志

前襟龍江後負陽湖西山東峙寶峯西轟山明水秀氣象

宏厥爲川廣往來之衝人物科第之數

明副使宗璽讚

山川風土幽厥特異

王朝彥鄉令顯名記

鳳山龍水吞吐如畫

徐大相長嶺菴田記

南康府志

卷一

地理 形勝

十七

